

Protocol da la radunanza generala dal

LÖ D'INSCUNTER LAVIN



als 9 marz 2016 in Chasa Fliana a Lavin

S-chüsats: Roman e Silvia Meng, Buolf Nogler, Cilgia Nogler, Ernst Aegerter, Reto Lamprecht, Ida Toutsch, Cla Dentoth, Reto Lehner, Carolina Bearth, Jonpeider Strimer, Uorschla Pult, Verena ed Ernst Oberli, Claudio Zehnder, Seraina Gross,

Preschaints: vair la glista da preschentscha acclusa

Salüd

Nos president Dumeng Duschletta das-cha salüdar a 20 personas a la radunaza generala.

Tscherna dals dombravuschs

Christa Pinggera vain eleta sco dombravusch.

Protocol da la radunanza generala dals 04.03.2015

Il protocol da la radunanza generala dals 04.03.2015 vain preelet ed approvà.

Approvaziun dal rapport da gestiun

Il president Dumeng Duschletta dà ün sguard inavo sül on da gestiun: Dürant l'on 2015 ha üna malincletta a regard ils pajamaints da la paja da nosa pedela dat diversas uras da rumpatestas. A la fin s'ha chattà üna soluziun e pudü schoglier il cas. Il cussagl s'ha radunà a diversas sezzüdas per discutir e metter in net diversas fatschendas. I's ha pudü continuar cun lavurs chi d'eiran premissas d'ürant la renovaziun eir grazia ad üna donaziun plü gronda. Uschè s'haja miss ad ir tuot la chanelisaziun ed eir suottascrit ils contrats pel dret da passagi cullas sours Nolfi. Eir il parasajettas ed üna porta i'l intern da la chasa sun gnits miss ad ir co cha quai d'eira gnü giavüschà dal controlleur da fö. Per la chadafö es gnü cumprà ün nouv fuornin, quai chi d'eira gnü giavüschà da bleras gruppas. Nos president manzuna, cha nus hajan raggiunt noss böt da far tuot la renovaziun sainza stuvair metter in privel l'andamaint e las finanzas dal lö d'inscunter Chasa Fliana Lavin. Quist on ha la suprastanza surdat a Flurin Dürst l'incumbenza da drizzar aint üna pagina d'internet per la Chasa Fliana. Nos chaschier Jachen Erni es pront d'administrar tala pagina davo ch'ella es missa ad ir. Ils cuors pels paur sun gnüts scrits oura – dischplaschaivelmaing mancaivan las annunzchas, uschè cha tals nu sun gnüts manats tras. Per quist'on sun previs d'archeu cuors e nus vain deciss da fils sustgnair finansialmaing co chi vegnan sustgnüts eir ils cuors per las duonnas. Implü es previs da far ün' excursiun our il Partens per visitar duos gestiuns spezialas cul lö d'inscunter. Dürant l'on da gestiun 2015 han gnü lö ultimas discussiuns a regard il cas da defraudaziun chi es gnü serrà giò culla sentenzcha dal güdisch districtual. In fond quist pass final vaina sgürà giò nosa cunvegna cha vaivan fat in regard pajar inavo ils raps. La cunvegna es uossa eir manzunada illa

sentenzcha dal güdisch. Divers commembers da la suprastanza sun stats preschaints al process. Nos president ingrazcha fich a tuot quels chi han güdà da schoglier quist cas ed ans han sustgnüt d'ürant quist temp na propi simpel. Impustüt ingrazcha el a nos jurist, sar Thomas Nievergelt, chi ans ha adüna cussglià ourdvarit bain e quai in mettant in quint üna tariffa fich radschunaivla. Grazcha ad el eschan stats buns da schoglier quist cas in üna buna maniera. La cifra da noss commembers es restada plü o mai stabila – il böt füss però da pudair augmentar quella in avegnir. In occasiun da la preschaintaziun dal teater a la finischiun dals cuors da duonnas es gnü surdat a nossa pedela Anna Margaritta Filli ün regal per seis 40aval on da servezzan per la Chasa Fliana. Dumeng ingrazcha amo üna vouta ad Anna-Margaritta co eir a Plasch per tuot lur ingaschamaint e lavur a bön da la Fliana. Nos president manzuna, ch'el saja fich cuntaint, chi sajan gnüdas chattadas personas, chi sun prontas da's metter a dispusiziun pel post da president sco eir per ün'ulteriura vacanza illa suprastanza. 21 ons s'ha Dumeng ingaschè in diversas caricas per la Chasa Fliana. Uossa saja el cuntaint da pudair dar giò la carica davo chi's haja pudü continuar minch'on culs cuors ed avair fini la renovaziun da la Chasa Fliana. Implü saja eir il cas da defraudaziun miss in net uschè ch'el possa dar inavant la respuonsabilità cun bun cour in oter mans. El haja pudü passantar bellas ma eir main bellas uras insembel cun seis collegas in suprastanza ed in cussagl dal lö d'inscunter chasa Fliana Lavin.

A la fin ingrazcha nos president scadent a tuot quels chi til han güdà d'ürant tuot quists ons da manar il lö d'inscunter Chasa Fliana Lavin. Impustüt a tuot ils commembers dal cussagl e da la suprastanza ma eir a tuot quels chi han fat adöver da la sporta dal lö d'inscunter. El giavüscha al lö d'inscunter Chasa Fliana eir per l'avegnir bun success. Il rapport vain approvà unanimamaing

Quint annual 2015

a) Explicaziuns

Nos chaschier dà las explicaziuns detagliadas in regard al quint annual 2015. Il quint serra giò cun ün deficit da CHF 5'582.91, quai pro entradas da CHF 91'093.32 e sortidas da CHF 96'676.23. Las cifras dal bilantsch vegnan prelettas da nos chaschier. Il bilantsch nu vain però dat giò in scrit. I segua üna discussiun animada. Üna persona preschainta dumonda che soluziun chi saja gnida raggiunta i'l cas da defraudaziun. Nos president ed eir nos chaschier explichan, cha no nu das-chain dar cuntschaint ingüns detagls pervi da la cunvegna cha no vain stuvü suottascriver. Duos otras personas preschaintas mettan eir in dumonda la decisiun da la suprastanza da nöglia scumpartir il bilantsch. Nos president manzuna amo üna jada cha nos jurist haja cussglià da nöglia dar oura las cifras dal bilantsch in scrit. Rico Parli intuna ch'el nu fetscha ingüns imbüttamaints a la suprastanza in regard al cas da defraudaziun e ch'el vöglija avair notà quai eir aint il protocol.

b) Rapport dals revisurs da quint

Ils revisurs da quint, Armon Bezzola e Jachen Padrun, han revis il rendaquint e la contabilità manada da nos chaschier Jachen Erni ed han chattà tuot in fich bun uorden.

c) Approvar il quint annual e'l bilantsch e dar dis-charg als organs respunsabels

Ils revisurs da quint propuonan d'approvar il quint annual e'l bilantsch per l'on da gestiun 2015. Il quint annual e'l bilantsch vegnan approvats da la radunanza unanimamaing e quattras eir dat dis-charch als organs respunsabels.

Approvar il preventiv 2016

Jachen Erni preschainta il preventiv 2016 chi prevezza ün s-chavd da CHF 5'746.-- pro entradas da CHF 66'430.-- ed expensas da CHF 72'176.--. Il preventiv vain approvà da la radunanza unanimamaing.

Fixar la contribuziun annuala 2017 da commembranzas singulas e collectivias

La radunanza decida da laschar la contribuziun annuala sco fin qua : Commembers singuls pajan CHF 30.-, conjugals CHF 50.- e persunas giuridicas CHF 60.-.

Discussiun areguard ün reglamaint sur da las commembranzas d'onur

Nos president spiega las ponderaziuns cha la suprastanza ha fat a regard la commembranza d'onur e driva la discussiun. Üna persuna preschainta propuona da laschar avert quella decisiun a la suprastanza. Ün'otra persuna manzuna ch'ella saja cunter üna commembranza d'onur pervi dal privel da far tort a l'ün o l'oter. I saja difficil da decider chi haja merità da gnir commember d'onur. La suprastanza sto reponderar üna eventuala commembranza d'onur davo ch'üna votumanziun consultativa ha muossà ils seguaint resultat : Per: 4, cunter: 9, retgnentschas: 7.

Tschernas

a) PresidentA

Nos president Dumeng Duschletta as retira dal presidi our da motivs da sandà anticipadamaing : El manzuna cha sar Jachen Erni da Scuol saja pront da's metter a disposiziun sco president. Che chi capita cun la contabilità – chi vain manada da sar Jachen Erni - stuvarà la nouva suprastanza decider. OTRAS propostas per la candidatura nu vegnan fattas. Jachen Erni e sia duonna Annina sortan dal local. I dà üna cuorta discussiun, impustüt a regard la dumonda chi maina in avegnir la contabilità. Jachen Erni vain elet da la radunanza unanimamaing sco president. Üna persuna preschainta ingrazia a nos president scadent Dumeng Duschletta per tuot seis ingaschamaint prestà a favur dal Lö d'inscunter Chasa Fliana Lavin.

b) commemberA da la suprastanza

Sar Gion Peider Mischol da Zernez s'ha mis a disposiziun sco commember da la suprastanza. Sar Gion Peider Mischol e sia duonna Katica sortan dal local. La radunanza elegia a sar Gion Peider Mischol unanimamaing sco nouv commember da la suprastanza.

c) revisurA da quint

Per Jachen Padrun, chi ha demischiunà sco revisur da quint, s'ha mis a disposiziun sar Fadri Häfner da Guarda. El vain elet da la radunanza unanimamaing sco revisur da quint.

d) suppleantA revusurA da quint

Per Linard Meyer, chi ha demischiunà sco suppleant revisur da quint, nu s'ha mis a disposiziun ingün. Our dal ravuogl da la radunanza vain fat la proposta per duonna Christa Pinggera da Zernez. Ella es pronta da surtour la carica da suppleanta revisura da quint e vain eletta da la radunanza sainza cuntravuschs.

e) commemberA dal cussagl

Per duonna Margaritta Conradin chi sorta sco commembra dal cussagl nu s'ha mis a disposiziun ingün ed eir las commembras dal cussagl chi han tscherchè üna persuna da la Val Müstair nun han chattà ingüna persuna interessada. La suprastanza decida da nu tscherchar per intant ingün per quel post.

Propostas tenor art. 14, alinea 4 dals tschantamaints

Propostas tenor artichel 14 nu sun entradas ingünas.

Varia

Nos vicepresident Sepp ingrazia fich a Dumeng per tuot la lavur praistada a favur dal Lö d'inscunter Chasa Fliana Lavin, til surdà ün pitschen preschaint e manzuna eir il sustegn cha Dumeng haja survgni d'ürant tuot ils ons da sia duonna Claudia. Inavant ingrazia el eir a Jachen Padrun per la lavur praistada e surdà eir ad el ün pitschen preschaint. Üna preschainta fa la proposta da metter aint il preventiv 2017 eir ün import per cumprar novas maisas e sopchas per la sala gronda da la Chasa Fliana. La pedela Anna Margaritta Filli manzuna, cha'ls uffants ruinan suvent la mobiglia nova. Inavant manzuna ella eir, cha'ls fittadins sajan fich cuntaints culla renovaziun fatta illa Chasa Fliana.

Nos president d'onur, Rico Parli ingrazia a Dumeng per l'ingaschamaint d'ürant tuot ils ons da presidi, a tuot la suprastanza e giavüscha a la nova suprastanza per l'avegnir tuot il bun.

Nos president ingrazia ad Anna Margaritta e Plasch Filli per lur ingaschamaint d'ürand l'ultim on ed a tuot las personas chi hajan sustgnü ad el e chi s'ingaschan a favur da nossa società. Inavant ingrazia el als preschaints per la cumparsa e das-cha serrar la sezzüda a las uras 22.20.

In buna fai, l'actuara

Annapatrizia Richert-Clagluna

Bos-cha, 10 marz 2016